



Broj: 415/24

Datum: 28.02.2024. godine

Na osnovu člana 64. stav (1) tačka b), člana 70. stav (1), (2), (3) i (6) Zakona o javnim nabavkama Bosne i Hercegovine („Službeni Glasnik BiH“ br. 39/14 i 59/22), Statuta JP „LOKOM“ d.o.o. Sarajevo (Službene novine KS br. 15/13, 47/14, 29/18, 3/22 i 20/23), Pravilnika o javnim nabavkama roba, usluga i radova br. 2448/22 od 30.12.2022. godine i br. 481/23 od 17.03.2023. godine, direktor JP „LOKOM“ d.o.o. Sarajevo, **d o n o s i**

## **O D L U K U** **O IZBORU NAJPOVOLJNIJEG PONUĐAČA**

### **Član 1.**

Prihvata se preporuka Komisije za nabavke iz Zapisnika o pregledu i ocjeni ponuda broj: 412/24 od 28.02.2024. godine i Ugovor za javnu nabavku roba: Nabavka sitnog inventara za ugostiteljstvo – kuhinjska oprema i posuđe, dodjeljuje se ponuđaču: Pro HoReCa d.o.o. sa sjedištem u Sarajevu, ul. Lužansko polje br. 40, 71210 Ilidža, sa cijenom ponude u iznosu od 13.769,37 KM bez PDV-a, odnosno 16.110,16 KM sa PDV-om.

### **Član 2.**

Obavezuje se ponuđač iz člana 1. ove Odluke da u roku od 3 (tri) dana od dana prijema Odluke o izboru najpovoljnijeg ponuđača, dostavi dokumentaciju traženu tačkom 3.1.3 tenderske dokumentacije koja se odnosi na član 45. stav (2) Zakona o javnim nabavkama.

U slučaju da izabrani ponuđač propusti dostaviti dokaze o kvalificiranosti u navedenom roku ili dostavi dokaze suprotno članu 72. stav (3) tačka a) Zakona o javnim nabavkama, donijet će se nova Odluka u korist onog ponuđača čija je ponuda po rang-listi odmah nakon ponude najuspješnijeg ponuđača.

### **Član 3.**

Ova Odluka će se uputiti svim ponuđačima koji su učestvovali u postupku javne nabavke i objavit će se na internet stranici ugovornog organa u skladu sa članom 70. stav (6) i članom 71. Zakona o javnim nabavkama BiH.

### **Član 4.**

Protiv ove Odluke dozvoljena je žalba u roku od 5 (pet) dana od dana prijema iste.

## **O b r a z l o ž e n j e**

Postupak za javnu nabavku roba: Nabavka sitnog inventara za ugostiteljstvo – kuhinjska oprema i posuđe, putem konkurentskog zahtjeva, pokrenut je Odlukom o pokretanju postupka javne nabavke br. 196/24 od 05.02.2024. godine.

U skladu sa članom 14a. Zakona o javnim nabavkama, prije pokretanja predmetnog postupka javne nabavke ugovorni organ je proveo provjeru tržišta u svrhu pripreme nabavke i informisanja privrednih subjekata u vezi sa nabavkom, o čemu je sačinjena pisana zabilješka o svim radnjama i postupcima i uložena u predmet spisa.

Shodno članu 16. Zakona o javnim nabavkama predmetni postupak javne nabavke nije podijeljen na lotove jer se radi o cjelovitoj i istovrsnoj nabavci.

Ukupna procijenjena vrijednost javne nabavke iznosi 15.050,00 KM bez PDV-a. Za ovaj postupak javne nabavke predviđeno je zaključenje ugovora na period od 3 (tri) mjeseca.



Obavještenje o nabavci i tenderska dokumentacija su objavljeni na Portalu javnih nabavki dana 06.02.2024. godine u 13:51 sati pod brojem: 269-7-1-9-3-24/24, a sažetak Obavještenja o nabavci objavljen je u „Službenom glasniku BiH“ br. 10/2024 dana: 09.02.2024. godine, u skladu sa odredbama člana 11. stav 8. u vezi sa članom 6. stav 3. i stav 4. Uputstva o uslovima i načinu objavljivanja obavještenja i dostavljanja izvještaja o postupcima javnih nabavki na Portalu javnih nabavki ("Službeni glasnik BiH" br. 80/22). Kriterij za dodjelu ugovora je najniža cijena. U postupku je predviđena primjena e-Aukcije, a sve u skladu sa Pravilnikom o uslovima i načinu korištenja e-Aukcije („Službeni glasnik BiH“, br. 80/23).

Prema Izvještaju o preuzimanju tenderske dokumentacije od strane ponuđača tendersku dokumentaciju je preuzelo 16 (šesnaest) potencijalnih ponuđača, sa Portala javnih nabavki, zaključno s krajnjim datumom za preuzimanje tenderske dokumentacije.

Iz Izvještaja o pitanjima i odgovorima u vezi sa tenderskom dokumentacijom, preuzetog sa Portala javnih nabavki, vidljivo je da, u periodu koji je ostavljen za dostavljanje ponuda, nije bilo postavljenih pitanja vezano za pojašnjenje tenderske dokumentacije.

U određenom krajnjem roku za dostavu ponuda (16.02.2024. godine do 10:00h) blagovremeno su dostavljene 3 (tri) ponude, i to ponuda ponuđača: 1. STEP d.o.o. sa sjedištem u Tuzli na adresi Damira Hadžibeganovića br. 85, 75000 Tuzla, BiH, koja je zaprimljena kod ugovornog organa dana 15.02.2024. godine u 12:13 sati pod brojem protokola 149/24; 2. Pro Horeca d.o.o. sa sjedištem u Sarajevu na adresi Lužansko polje br. 40, 71210 Ilidža, BiH, koja je zaprimljena kod ugovornog organa dana 16.02.2024. godine u 08:55 sati pod brojem protokola 151/24; 3. „GASTRO DARKOM“ d.o.o. Istočno Sarajevo sa sjedištem u Istočnom Sarajevu na adresi Hilendarska br. 23, 71123 Istočno Sarajevo, BiH, koja je zaprimljena kod ugovornog organa dana 16.02.2024. godine u 09:20 sati pod brojem protokola 153/24.

Komisija imenovana Rješenjem direktora za provođenje predmetnog postupka javne nabavke je blagovremeno i pravilno izvršila javno otvaranje ponuda dana 16.02.2024. godine, u sjedištu ugovornog organa JP „LOKOM“ d.o.o. Sarajevo, Halilovići br. 45, 71000 Sarajevo, sa početkom u 10:30 časova i sačinila Zapisnik o otvaranju ponuda koji je, uz Zapisnik o zaprimanju ponuda, istog dana, putem e-maila, prosljeđen ponuđačima koji su učestvovali u predmetnom postupku javne nabavke u skladu sa tačkom 5.14 tenderske dokumentacije koja reguliše način komunikacije između ugovornog organa i ponuđača. Na javnom otvaranju ponuda nije bilo prisutnih ponuđača.

Zapisnikom o otvaranju ponuda konstatovano je da su ponude uredno zatvorene, te da su ponudene cijene, kako slijedi: 1. STEP d.o.o. u iznosu od 15.040,00 KM bez PDV-a, 2. Pro Horeca d.o.o. u iznosu od 13.770,51 KM bez PDV-a sa uključenim popustom, 3. „GASTRO DARKOM“ d.o.o. Istočno Sarajevu iznosu od 14.839,50 KM bez PDV-a.

Nakon javnog otvaranja ponuda Komisija za javne nabavke je pristupila pregledu i ocjeni ponuda, te o tome sačinila odgovarajući Zapisnik u kojem je utvrđeno sljedeće:

- da su blagovremeno zaprimljene 3 (tri) ponude u određenom krajnjem roku;
- da nije bilo neblagovremenih ponuda;
- da zaprimljena ponuda ponuđača „GASTRO DARKOM“ d.o.o. Istočno Sarajevo ne ispunjava kriterije za kvalifikaciju privrednog subjekta, te je ista, u skladu sa članom 2. stav (1) tačka 1) alineja 2) Zakona o javnim nabavkama (“Službeni glasnik BiH”, broj 39/14 i 59/22), odbačena kao neprihvatljiva, te navedenom ponuđaču nije dozvoljeno dalje učešće u postupku javne nabavke;
- da zaprimljene ponude ponuđača: STEP d.o.o. i Pro Horeca d.o.o. ispunjavaju kriterije za kvalifikaciju;



- da su ponuđači: STEP d.o.o. i Pro Horeca d.o.o. vršili ispravke u ponudama, te su isti postupili u skladu sa članom 18. stav (1) tačka m) Uputstva za pripremu modela tenderske dokumentacije i ponuda, te su ispravke u ponudama izvršene na način da su vidljive, potvrđene potpisom ponuđača i sa datumom izvršene ispravke;
- da su u ponudi ponuđača Pro Horeca d.o.o. u Obrascu za cijenu ponude – Aneks II načinjene računске greške, koje su dovele do smanjenja ukupne cijene bez PDV-a sa popustom sa 13.770,51 KM na 13.769,37 KM. Komisija za javne nabavke je, u skladu sa članom 17. stav (5) Uputstva za pripremu modela tenderske dokumentacije i ponuda („Službeni glasnik BiH“, br. 90/14), izvršila ispravku na način da je ispravno popunila kompletan Obrazac za cijenu ponude – Aneks II, te navedenom ponuđaču, dana 23.02.2024. godine putem e-maila, uputila Zahtjev za prihvatanje ispravke računске greške sa novim korigovanim Obrascem za cijenu ponude – Aneks II. Ponuđač Pro Horeca d.o.o. je u ostavljenom roku, i to dana 26.02.2024. godine u 09:51 sati, na protokol Preduzeća dostavio Saglasnost na ispravku računске greške i novi Obrazac za cijenu ponude.
- da u ponudi ponuđača STEP d.o.o. nije bilo računskih grešaka;
- da tokom postupka pregleda i ocjene ponuda niti jedna dostavljena ponuda nije ocijenjena kao ponuda sa neprirodno niskom cijenom u smislu člana 66. ZJN i člana 17. Uputstva za pripremu modela tenderske dokumentacije i ponuda („Službeni glasnik BiH“, br. 90/14 i 20/15).
- da su zaprimljene ponude ponuđača: STEP d.o.o. i Pro Horeca d.o.o. prihvatljive u formalno-pravnom i tehničkom smislu, ispunjavaju postavljene zahtjeve ugovornog organa definisane tenderskom dokumentacijom, ponude ne prelaze planirana, odnosno osigurana novčana sredstva ugovornog organa za predmetnu nabavku, te je navedenim ponuđačima dozvoljeno dalje učešće u postupku javne nabavke, odnosno učestvovanje u predviđenoj e-Aukciji.

Ponuda ponuđača: „GASTRO DARKOM“ d.o.o. Istočno Sarajevo je diskvalifikovana obzirom da ponuda ponuđača ne ispunjava kriterije za kvalifikaciju privrednog subjekta, te je ista odbačena u skladu sa Zakonom o javnim nabavkama BiH, kao i pratećim podzakonskim aktima koji regulišu oblast javnih nabavki.

- ✚ Ponuđač „GASTRO DARKOM“ d.o.o. Istočno Sarajevo, Hilendarska br. 23, 71123 Istočno Sarajevo se isključuje iz postupka javne nabavke iz sljedećih razloga:

Ugovorni organ je tačkom 3.2.1 tenderske dokumentacije, u skladu sa članom 46. ZJN, definisao uslove u pogledu sposobnosti obavljanja profesionalne djelatnosti ponuđača, te tačkom 3.2.2. i 3.2.3. precizirao dokaze koji se zahtijevaju od kandidata/ ponuđača, kako slijedi:

*„Ponuđač u svrhu dokaza o ispunjavanju uslova iz člana 46. Zakona, dužan je dostaviti dokaz o registraciji u odgovarajućem profesionalnom ili drugom registru zemlje u kojoj je registrovan ili izjavu/potvrdu nadležnog organa kojom se dokazuje pravo ponuđača da obavlja profesionalnu djelatnost koja je predmet ove nabavke. Dostavljeni dokazi se priznaju, bez obzira na kojem nivou vlasti su izdati. Dokazi koji se dostavljaju moraju biti originali ili ovjerene kopije.“*

Također, u tački 3.2 tenderske dokumentacije, propisano je sljedeće: *„Napomena: U slučaju da se u ponudi ne dostave navedeni dokazi sposobnosti obavljanja profesionalne djelatnosti iz ove tačke TD ili se ne dostave na način kako je naprijed traženo, ponuđač će biti isključen iz daljeg učešća zbog neispunjavanja navedenih uslova za kvalifikaciju.“*

Ponuđač „GASTRO DARKOM“ d.o.o. Istočno Sarajevo je kao dokaz obavljanje profesionalne djelatnosti propisane članom 46. Zakona dostavio kopiju Aktuelnog izvoda iz sudskog registra, te je na taj način postupio suprotno zahtjevu ugovornog organa iz tačke 3.2.3. tenderske dokumentacije.



Članom 68. stav (1) Zakona o javnim nabavkama BiH propisano je da ugovorni organ odbacuje ponudu ako ponuđač nije dostavio tražene dokaze ili je dostavio nepotpune dokaze ili je lažno predstavio informacije koje su dokaz ispunjavanja uslova iz čl. 45. do 51. Zakona.

U skladu sa odredbama člana 2. stav (1) Zakona o javnim nabavkama ponuda je dokument koji podnosi ponuđač, pri čemu nudi isporuku robe, pružanje usluge ili izvođenje radova, pod uslovima koje određuje ugovorni organ u tenderskoj dokumentaciji. Ponuda može biti: 1) prihvatljiva- koju je podnio ponuđač koji nije bio isključen u skladu sa članom 45. ovog zakona i koji ispunjava kriterije za izbor najpovoljnije ponude, te čija je ponuda u skladu sa tehničkim specifikacijama bez da je nepravilna ili neprihvatljiva; 2) neprihvatljiva - čija cijena prelazi planirana, odnosno osigurana novčana sredstva ugovornog organa za nabavku ili ponuda ponuđača koji ne ispunjava kriterije za kvalifikaciju privrednog subjekta; 3) nepravilna - koja nije u skladu sa tenderskom dokumentacijom ili je primljena izvan roka za dostavu ponuda ili postoje dokazi o tajnom sporazumu ili korupciji ili nije rezultat tržišne konkurencije ili je ugovorni organ utvrdio da je cijena ponude izuzetno niska.

Slijedom prethodno navedenog, Komisija je jednoglasno zauzela stav da se ponuda ponuđača „GASTRO DARKOM d.o.o. Istočno Sarajevo, u skladu sa članom 2. stav (1) tačka 1) alineja 2) Zakona o javnim nabavkama (“Službeni glasnik BiH”, br. 39/14 i 59/22), odbaci kao neprihvatljiva.

Tenderskom dokumentacijom u tački 4.13 predviđeno je provođenje e-Aukcije, te je Komisija u skladu sa članom člana 64. stav (1) tačka b) Zakona o javnim nabavkama („Službeni Glasnik BiH” br. 39/14 i br. 59/22), odnosno primjenom kriterija „najniža cijena“ i Pravilnika o uslovima i načinu korištenja e-Aukcije („Službeni glasnik BiH“, br. 80/23), utvrdila početnu rang listu ponuđača, te u sistem e-nabavke unijela sve prihvatljive ponude, kako slijedi:

Red. broj	Naziv/ime ponuđača	Početna cijena u KM bez PDV-a	Rang
1.	Pro Horeca d.o.o.	13.769,37	1
2.	STEP d.o.o.	15.040,00	2

Komisija za javne nabavke je, na Portalu javnih nabavki BiH, zakazala održavanje e-Aukcije za srijedu, 28.02.2024. godine sa početkom u 11:00:00 sati.

E-aukcija je uspješno završena dana 28.02.2024. godine u 11:10:00 sati, nakon čega je Izvještajem o toku i završetku e-aukcije, koji je preuzet iz sistema e-nabavke, Komisija za javne nabavke rangirala ponude, kako slijedi:

Red. broj	Naziv/ime ponuđača	Konačna cijena u KM bez PDV-a	Procenat umanjenja ukupne ponuđene cijene nakon završene e-aukcije	Rang
1.	Pro Horeca d.o.o.	13.769,37	0%	1
2.	STEP d.o.o.	15.040,00	0%	2

*\*\* Označava približnu vrijednost procentualnog umanjenja nakon zaokruživanja na dvije decimale*

Uvidom u priloženu dokumentaciju i Izvještaju o toku i završetku e-Aukcije nesporno je da je ponuda ponuđača Pro Horeca d.o.o. prihvatljiva sa ponuđenom konačnom ukupnom cijenom u iznosu od 13.769,37 KM bez PDV-a, na osnovu dostavljenog Izvještaja o toku i završetku e-Aukcije, te je kao



takva izabrana kao najpovoljnija u skladu sa kriterijem za dodjelu ugovora definisanim u tenderskoj dokumentaciji predmetnog postupka javne nabavke.

Izbor najpovoljnijeg ponuđača izvršen je u skladu sa Zakonom o javnim nabavkama, podzakonskim aktima, tenderskom dokumentacijom i internim aktima.

Komisija ugovornog organa, u skladu sa naprijed navedenim, dostavila je direktoru ugovornog organa Zapisnik o pregledu i ocjeni ponuda, te prijedlog o izboru najpovoljnijeg ponuđača u predmetnom postupku javne nabavke.

U postupku ocjene provedenog postupka, ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke.

Imajući u vidu navedeno, a u skladu sa članom 64. stav (1) tačka b) Zakona o javnim nabavkama, odlučeno je kao u dispozitivu Odluke.

#### **POUKA O PRAVNOM LIJEKU:**

Protiv ove Odluke može se izjaviti žalba Uredu za razmatranje žalbi BiH putem ugovornog organa, najkasnije u roku od 5 (pet) dana od dana prijema iste. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

*Prilog: Kopija Zapisnika o pregledu i ocjeni ponuda sa prilogom broj: 412/24 od 28.02.2024. godine.*



**JP "LOKOM" d.o.o. Sarajevo**

**Direktor**

**Adnan Šabanović**

Dostavljeno:

1. Ponuđačima,
2. Službena stranica Preduzeća,
3. Komisiji za javne nabavke,
4. a/a.